


Veqaura Baibel



Portions of the New Testament in the Veqaura (Meauna)
dialect of the Omwunra-Toqura (South Tairora) language of
Papua New Guinea

Veqaura Baibel

**Portions of the New Testament in the Veqaura (Meauna) dialect
of the Omwunra-Toqura (South Tairora) language of Papua New
Guinea**

Sampela hap Nupela Testamen long tokples Veqaura long Niugini

copyright © 2012 Wycliffe Bible Translators, Inc.

Language: Veqaura (Omwunra-Toqura or South Tairora)

Dialect: Veqaura (Meauna)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-03-19

PDF generated using Haiola and XeLaTeX on 11 Nov 2022 from source files dated 22 Nov 2019

7f17bf7b-ed7f-57a2-89c1-2b7308ad99ef

Contents

Matiu	1
MAAKI	6
RUKI	11
IONI	16

Matiu

13

Sia suqe si sukura uiti tutoraqi pisoratura

²⁴ Sisasiva mwariro mwo kuaqaa nuase nraase qora timwa nyiro tiro, Kotiva nraase qoraqaa naqisiariva vasirero mwaa kuara votaama vaito. Vainti mwovano suqe si sukura uiti suku nrailutaqi mwara tuse ²⁵ uro enaqi nrailutwunaavaqa vaite mwaavaro mwira nramwutaa mwovano nrinero uiti tutoraqi kuankusa suku sia suqe si sukura pisorave. (Mwi kuankusava vasirero mwira ituvaqa mwira aqavaqa uiti ituvaqa aqavaqa nkuaa qarama vaisaro mwi kuankusara tavavano aasuu sia mwitaama uiti tava votaama vairave.)

²⁶ Mwira nramwutaa vaito sia suqe si sukura mwira vutaqi pise vuvaro uitivano kuankusava vaqamase nkuaaqi kutero mwataqa tava riare suvanta mwira aira vaintivaravano takuvaro mwi kuankusava uiti vaqamase kute vauvanta ²⁷ mwira aira vaintivaravano uro nraaso qora mwata rienta tinta, Nrora vaintio, re sugesi sukurave mwara tutaaro? Ntaintairove mwi kuankusava qovarama viso? tinta.

²⁸ Mwita tuvaro nraase qova tiro, Qike, ni nramwutaa mwovano kuankusa mwaiqiro uro ni vutaqi mwara tutaiso, tutanta mwira aira vaintivaravano mwira mwata rienta tinta, Sove te uro mwi kuankusara nuqi saanarave? ²⁹ tuvaro mwiva qao tiro, Sia kuankusa mwira nuqi saate. Né kuankusa nuqitanta uiti vaqamasenta nauku sevorave. ³⁰ Qaqi saivaro uitivanovaqa kuankusavanovaqa nkuaaqi nivuate. Utivano nroravaqe ne ni sara irara mware nri mwai vaintisuara mwitaama tirenave. Né mwi kuankusara nane tuquse rumpase mwaiqinta uro tia quara tenta mwiraqaantai uiti tuquse mwaiqni sarasaapa nraavuqi uro nini mataate tiasarave, turave. Sisasiva mwi kuaraqaa nuase timwa nyurama...

³⁶ Sisasiva mwo kua mwo kuaqaa nuase timwa nyiqiro viro mwiraqaantai mwiva nraase qora mwini se nraavuqi uvanta mwira nraaqiaravaravano mwiva mwauraqi uro nenta Sisasirara tinta, Re ota tiana kuara mwira nramwutaa vaito kuankusa mwira vutaqi piso kuara mwi kuara osarara tiri timwa tiviqe te riaare, tinta.

³⁷ Mwira nraaqiaravaravano mwitaa tuvaro Sisasiva mwinravusua timwa nyiro tiro, Vainti mwovano suqe si sukura

mwara tuto vaintira osaravano vairero ne mwiva mwauko. Ne mwataqi mwatatai nraaqiarava ne mwi vaintivave.

³⁸ Mwi vaintira vuta osaravano vairero esaa mwatamaata vaito. Suqe si sukura osaravano vairero Kotira kua riaa nraase qorasuama mwariarave. Kuankusa osaravano vairero sia Kotira kua riaa nraase qorasuama Saataanira nraaqiarama mwariarave. ³⁹ Mwira nramwutaa vaito kuankusa suku piso vaintira osaravano vairero mwiva Saataanivave. Sara irara mware nri enara osaravano vairero naantiara mwaa mwatava taiqaari enava vaito. Sara irara mwarenta nri vaintisua osaravano vairero mwisua naavunyaa vaintinravuve.

⁴⁰ Mwira aira vaintivaravano kuankusa toqase rumpase mwaiqinta uro tiaqiqi quara tonemase naantiara mwaa mwatava taiqaari enaraqaa mwitaama qovara sianarave. ⁴¹ Ne mwataqi mwatatai nraaqiaravama mwaiqiqi vina mwaa mwatava taiqaari enaraqaa ne naavunyaa suaqasitaarinta mwisua untu ne naqisu mwataraqaaantai sia suqe si nraase qorasuua ni nraaqiaranravu sia suqema nyate mwari nraase qorasu rumpa mwarenta sia suqe si airara mware mwaisua rumpa mwarenta ntitaqinta ⁴² uro tia nrora itaariraqi pisavanta mwisua tiaqiqi mwaitanta qara ninta nataqi vinta nyari vaiti nkititanta mwaiqiarave.

⁴³ Mwisa mwini uro pisavanta suqema nrue mwai nraase qorasuua suarivano itainemase itamaqivi varo Kotiva mwisua qova mwisuaqaa naqisiqi viranta mwaiqiqi vivarave. Ini aato vairere mwi kuara osara qintutama riaate, tiro. Sisasiva mwi kuara turama.

14

Sisasiva nruka nroraqaa iquqaantai naaqi vura

²² Sisasiva mwisua sara nyitero mwiraqaantairo nrailutaqvira ntusi tiro, Né mpotuqi mwaiqiqi nenta né naane nramai nrukaqiqi tarenta tarasini uro né vi mwaiqiqe ne vaiti nraase qora ntusi tarianta mwini nyari mwaaqani nyari mwaaqani vuate, tiro tuvo.

²³ Sisasiva mwitaa timwase mwiva vainti nraase qora nyari mwaaqani nyari mwaaqani ntusi tiro mwiraqaantai Kotirara sapara siase tiro mwera aataqaa uvavaro ena suvaro Sisasiva aataqaa mwinto nrariaraa mwauvaro ²⁴ mpotuvano nramai vutaqaa uvavaro saaravano tuqi viro Sisasira vaintivaravano mpotuqi mwauvaro mwini vuarenta tinta sunantai saaravano tuqi vuvarora tiro, nramaivano mpotu sampi raaquqi raaquqi vurama.

²⁵ Saaravano tuqi vuvaro nramaivano mpotu raaquqi raaquqi vi mwauvaro va ataa suvaro Sisasiva nramaiqaa iquaantai naaqi viro mwira vaintivaravano mpotuqi mwausua vunani vuvanta ²⁶ mwira vaintivaravano takuovaro Sisasiva nramaiqaa iquaantai naaqi nruvanta mwisua mwira takuenta nroraqamase aatu sinta mpo se tinta, Tovevaanavanove, ti mwauvaro ²⁷ Sisasiva mwisua va tiro, Né qaqi mwariate. Ne mwivave. Sia aatu siate, tiro tuvo.

²⁸ Sisasiva mwitaa tuvaro Pitaava tiro, Nrora vaintio, re qutaa mwairarere re ni timwa miqe nevaqa nramaiqaa niquaantai re mwariaranani vuase, tiro. Pitaava mwitaa tuvaro Sisasiva tiro, So tukuane, tiro. ²⁹ Mwitaa tuvaro Pitaava mpotuqintai mwaavi nero mpotu mwini pisero nramaiqaa iquaantai naaqi viro Sisasiva sunani vrarama.

³⁰ Pitaava mwini vitaro tiro, Ne so nramaiqaa vuasarave, timwa tero takuovaro saaravano nroraqamase tuvaro Pitaava mwirara nau riovaro aatu itovaro mwiraqaantai mwiva nramaiqi mweva nare utura Sisarisara sapara siro tiro, ³¹ Mpo, nrora vaintio, ni tumwaraane, tuvaro Sisasiva ya nrai saquaantai mwiti Pitaara vite tiro, Re saaravano tuarinara sia nau riaataarave. Re niara aasu nau riaataarave. Re sia niara taara aato tuataarave, tiro turama.

³² Sisasiva mwitaa timwa sero Pitaara vita mware mpotuqi mwaari novaro saaravano va taiqa vuvanta mwira vaintivaravano mpotuqi mwausua Sisarisara riariamase tinta, Re qutaa Kotira mwaquivano mwariaro, tinta turama.

26

Sutaasiva Sisasira nramwutaa mwisua ntaquqi sero mono mwaraarirara tura
¹⁴ ...Sisasira 12 nraaqiaravarajintai mwo vaintivano mwira utu Sutaasi Ikeriotiva mweva nero Kotira aira mwara mwate mwau vaintisua mwisua nrora vaintivaravano mwauvani viro uro mwisua mwata rie tiro, ¹⁵ Ne Sisasira ini ntaquqi uro saarinta né nara soqaave ni mivarave siavo? tuvanta mwisua ori mono 30 nraru saara nuase mwira mwuvaro ¹⁶ Sutaasiva mwii monora mware mwii enaraqaantai mwisua ntaquqi uro Sisasira saari aarara mpuuamagi vura.

Sisasiva nrai nraaqiara vaqamase vesasuto sarara nrora
¹⁷ Sia ntoto mpereti sarara omwata nre enanravuva nrinovanta ntaaru enaqa mwira nraaqiaravaravano Sisasiva sunani nrinenta tinta, Ntaraqive tenravu uro

terama mwataarara re vesasuto enarara rietarama mwi sarara nrenarave? tinta. ¹⁸ Mwinravusua mwitaa tuvaro Sisasiva tiro, Nenravu Ierusaremi mwatusani uro mwi vaintirara mwitaa tiate, Tirinravu mwaara ti mwai vaintiva mwitaa tiro, Ni enama nrinaliso. Ne nena nraaqiara vaqamasena ri nraavuqi vesasuto sarara nraarenave tiso, tiate, tiro. ¹⁹ Sisasiva mwitaa tuvanta mwira nraaqiaravaravano mwi sarara Sisasiva tunema senta temwanaama tora.

²⁰ Sara temwanaama tovaro ena suvaro Sisasiva nrai nraaqiaravaravaqa uro sara taintaqaa mwataqaa mwairo ²¹ sara nre mwariro tiro, Ne tiarinta riaate. Iniqintai mwovano nramwutaa vuqaa ni qovarama saanarove, tiro. ²² Mwitaa tuvanta mwira nraaqiarvara mwuntusa sia suqe suvanta mwiravusua nkuiqa nkuiqa Sisasira mwata rie tinta, Nrora vaintio, re niarave tiaro? Sia ne mwivave, sia ne mwivave, timwaqinta vinta.

²³ Mwitaa timwaqi vuvaro Sisasiva tiro, Nrai mpereti mwarcase nivaqamase tanaaqi mwaati tumwaraariva mwi vaintiva ni qovarama saanarove. ²⁴ Ni mwataqi mwatatai nraaqiarara niara ntaaru enaqa mwitaa ni ruse kuara qumwaara ratorave. Mwi kuava mwivau vasianarove. Ni mwatani mwatatai nraaqiarara qovarama saari vaintirara ne mpo se timwa mwatauko. Mwira nrova sia mwira mwatataqe sove tiatarave, tiro.

²⁵ Sisasiva mwitaa tuvaro Sutaasiva mwira qovarama saariva Sisasira mwata riero tiro, Mwaara ti mwariara vaintio, re niarave tiaro? tuvaro Sisasiva tiro, Eo, re tianarave, tiro.

Mpereti sararavaqa uaini nraairavaqa timwa tora

²⁶ Sisasira nraaqiaravaravano sara nre mwauvaro Sisasiva mpereti sara mwarcase Kotirara suqemave timwase uveqase nrai nraaqiarvara nyiro tiro, Mwaa sarara mwara nraate. Mwaa mperetiva ni mwavananma siso, tiro.

²⁷ Mwitaa timwase Sisasiva uaini nramai mwiraci vasu kaapura mwarcase Kotirara suqemave timwase mwinravusua viti nyiro tiro, Né esaa mwaa nramaira nraate.

²⁸ Mwaa nramaiva ni nraarema siso. Kotiva nraase qora vaqamase nkuaqa naataruse mwairero qaraasa kua mwatarerove. Mwi kuava kempusaqama vasiarie tiro ni nraarevano mwii kuara kempusaqama saanarove. Ni rusaivaro ni nraarevano naariva vaqara nraase qora saisaqa sitaro mwisua sia suqe kua nrunka nyataanarove.

²⁹ Ne tiarinta riaate. Mwaa enaraqaantai ne sia uaini nramai qava nrarenave. Ne sia nraraitina mwitaamaqi vuarinta né ni nkova naqisiariraqi nivaqa uro mwaivage ne mwi enaraqaa inivaqa mwaitana qaraasa uaini nramai nraasareve, tiro.

³⁰ Sisasiva mwitaa timwase nrai nraaqiaravaravaqa Kotirara isi timwase mwevane Orivi taaqiqaa vurama.

Pitaava nrai kua tirero siarinara Sisasiva mwira timwa mwura

³¹ Mwinravusua mwini vuvaro Sisasiva mwinravusua timwa nyiro tiro, Nenravu mwate enaqi ni mwaini sentama aatumaqi sanenta vivarave. Kotira vukuqi qumwaara rato kuava mate mwivau vasianarove. Mwitaa tiro:

Sipisipiqa naqisiari vaintira
Kotiva mwira nuqutu sairanta
sipisipi mwisua aatumase nyiariara nyiariara
sampi mwona mwona vivarave, turave.

³² So naantiara ni mwara qaqi ntivima saqe ne mwarina ini vuni ne naane Kariri mwatani virenave, tiro.

³³ Sisasiva mwitaa tuvaro Pitaava qao tiro. Esaa mwinravusua ri mwaini senta aatumase sanama tenta vivaqe ne aasu rivaqa mwariasarave, tiro.

³⁴ Pitaava mwitaa tuvaro Sisasiva tiro, Ne tiarira re riaane. Mate enaqi kukorhaaravano sia qukarairara re taaramo nrau niara tira sia mwi vaintira takuuukavave tinarave, tiro.

³⁵ Sisasiva mwitaa tuvaro Pitaava qao tiro, Ne sia riara sia mwira takuuukavave tiasarave, tiro. Pitaava mwitaa tuvanta Sisasira nraaqiara mwonravuvanovaqa mwi kuara aasu tura.

Sisasiva Kotirara uro sapara sura

³⁶ Mwiraqaantai Sisasiva nrai nraaqiaravaravaqa mase uro viro saqava tutoraqi mwira utu Kesemanii mwiraqi urone nrai nraaqiaravarara tiro, Nenravu mwaini mwataqaa mwaivage ne mwuruni uro Kotirara sapara siase, timwase ³⁷ Pitaaravaqa, Sepetira mwaaqutanavaqa, mwinravusua aasu ntita mware mwini vitaro sia suqe aato ri ovaro mwira mwuntusavano sia suqe suvaro ³⁸ mwiva taaramonruvara tiro, Ni mwuntusavano nroraqamase nitampiso ni rusarerota votaama vasisana mwauko. Nenravu mwaaqaa mwitanta ni vaqamase mwitanta vu mpairase takuetanta mwariate, tiro.

³⁹ Mwitaa timwase Sisasiva sia muasaqama vire uro vurianantai mwataqaa untu niro Kotirara saparamase tiro, Mpo ni nko, re sove tirere ne nitampi

nramaira nraarira votaa re mwi nramaira qaqini mwara saane. So sia ne nena mwaraataaraqaa mwararenave. Ne re mwaraase tinaraqaa mwararenave, tiro.

⁴⁰ Sisasiva mwitaa timwase uro nane nrai nraaqiara taaramonruvu sonani untu takuovanta mwinravusua vu ruara suvanta vaite mwauvaro Sisasiva Pitaarara tiro, Naraqamave né taaramonruvu ni vaqamase pataqa mwiritanta sia vumpaire senta takuetanta mwariavo? ⁴¹ Ininruvara mwinravusua sia suqe aira mwaraate tiro, Saataaniva ininruvu amaqe siasorave mwirira rietanta né vu mpairase takuetanta Kotirara sapara si mwariate. Ininruvara mwaranavano mwitaa siataa sisaro ini mwavanavano aasus sia so kempusaqa sisanta mwariavo, tiro.

⁴² Sisasiva mwitaa timwase qava taaramonruvu mwini se uro qava Kotirara saparamase tiro, Mpo ni nko, mwaa kaapuraqi vasi nramaira sia re qaqini mwara saraitira niara mwira qaqi nraane tirere, ne re mwaraataaraqaa mwaraasarave, tiro. ⁴³ Sisasiva mwitaa timwase qava uro nane untu takuovanta mwira nraaqiara taaramonruvu vu ruara suvanta vaite mwaura.

⁴⁴ Mwinravusua vaite mwauvaro Sisasiva qava mwinravusua mwini se uro vi Kotirara taaramo nrau sapara siro ota tunemase nkuaa qaramase Kotirara saparama sora.

⁴⁵ Kotirara saparama taiqase Sisasiva uro nanero untu taaramonruvara tiro, Mpo, nenravu qaqi sositantave vaitaavo? Ni mwataqai mwataatai nraaqiara ni navaatavu mwarenta uro sia suqe si airara mware mwaisua mwisua ntaquqi ni sevarave. ⁴⁶ Ntiviyagenruvu vuare. Ni govarama saari vaintiva nri mwaiso, tiro...

Iutaa vaintinravu ntuqaa Sisasira uro sura

⁵⁶ ...Sisasiva mwitaa tuvanta mwisua mwira navaatavu sovanta mwira nraaqiaravaravano mwira mwini senta nyiari aatu vurama.

⁵⁷ Mwira nraaqiavaravaravano sane vuvanta Sisasira navaatavu sosua mwira vita mware Kotira nraavuqi aira mware mwausua mwisua vunyaa vaintivano mwauraqi Kaiapaasira nraavuqi uro sovanta mwi nraavuraqi mwaara osara ti mwau vaintivarsuavaqa, Iutaa vainti nroranravuvanovaqa, suntu nukaama mwaura.

⁵⁸ Sisasira vita mware uro se mwauvaro Pitaava niarantai mwisua ntataqi viro Kaiapaasira nraavu mwatusani urone tosani

mwaantine vutaqi viro mwi irainarava qo-vara siarira takuarero uro mwi nraavu-raqaa vaivaraara naqisi mwau vaintisua vaqamase mwataqaa mwairo mwaura.

⁵⁹ Pitaava mwini mwataqaa mwau-vanta nraavuqi Kotira nraavuqaa naqisi mwau vaintisuavaqa, esaa mwiraqi sunu nukaama mwau vaintisuavaqa, mwisia Sisasira rusereranta Sisasiraqaa muna kua mwataare tuvaro ⁶⁰ sia mwi kuava vauvanta qumina mwi kuara mpuaasitanta mwo vainti mwo vaintivano ntivinta Sisasirara muna kua tura. Mwitaamaqi aasu vuvanta mwiraqaantai vainti taaratanaavano ntivinta ⁶¹ Sisasirara tinta, Mwaa vaintiva mwitaa tisanta tetana riaunarave. Mwiva tiro, Ne soma Kotira nraavu mpaira sena mwiraqaantai taaramo ena aasu mwarina mwi nraavura qava soqa taiqa saasarave, tisanta riaunarave, tinta.

⁶² Mwitana mwitaa tuvaro Kotira aira mwara mwate mwau vaintisua mwisia vunyaa vaintivano ntiviro Sisasirara tiro, Mwitaa mwitaama riqa kua mwate mwariavo? Re mwo? Re nyaritanara narave tinarave? tuvaro ⁶³ Sisasiva sia kua tiraitiro, tire mwauvaro qava vunyaa vaintivano Sisasirara tiro, Ne Kotira vuqaa mwaina mwira utu netana riarama qutaa kua tiane tuko. Qutaave Kotiva ri vusitisarave re tiri saisaqa sirera Mesaia vaintivano mwariaro? Qutaave re Kotira mwaaquvano mwariaro? Re tiri timwa timwiqe riaare, tiro.

⁶⁴ Mwiva mwitaa tuvaro Sisasiva tiro, Re tianara ne mwaa mwivave. Ne tiar-inta né riaate. Né naantiara takuaivaqe ne mwataqi mwatatai nraaqiarava nro-raqama vina Kotiva kempusavano mwari-arinani mwira saqu tanaranani mwataqaa mwitana iravuqi tukusarave, tiro.

⁶⁵ Sisasiva mwitaa tuvaro Kotira aira mwara mwate mwausua mwisia vunyaa vaintivano nrail tuavaaqa nuqeqaamase tiro, Mpo mwiva Kotira vuqaa mwitaro sia suqe si kuara aasu tiso. Mwo vainti-vano mwiraqaa kua mwatataarira qumina aasara neverave. Takuata, né vaa ri-avarov mwiva Kotira vuqaa mwitaro sia suqe si kuara tiso. ⁶⁶ Mwira saara né Sisasirara nara kuave tivarave? Né tivaqe riaase, tiro.

Mwitaa tuvanta mwisia tinta, Mwira sia suqe airavano virintoma vaiso. Mwira saara mwira ruseva aasu vaiso, tinta. ⁶⁷ Mwisua mwitaa timwase uro Sisasira vuriqi taara visise mwisia nyai saquaqantaai mwira nuqutuse mwira vu aato nuqutuse mwisia mwyoqanya kua tinta, Mesaia vaintio, qutaa re kua qovarama sera vaintiva mwairere sia takuaraitira ri

nuqutuari vaintira utu tiqe te riaare, tinta tura. ⁶⁸

Pitaava Sisasirara sia mwira takau-rave tura

⁶⁹ Nraavuqi ko timwaqinta vi mwauvaro Pitaava mwataani mwatusaqaa mwataqaa mwauvaro aira nraase mwovano Pitaara aaqani viro mwirara tiro, Revaqa Sisasira mwataa Karirinyaavama mwariaro, tiro.

⁷⁰ Mwiva mwitaa tuvaro Pitaava mwisia ntuqaa mwitaro qao tiro, Re tiana kuara sia ne mwira qintuta surave, tiro. ⁷¹ Mwiva mwitaa timwase uro tosa qentana mwauvaro aira nraase mwovano Pitaara takuero mwiraqi ntivi mwausua timwa nyiro tiro, Mwaa vaintiva Sisasira Naasaretinyaara vaqamase mwaivave, tiro.

⁷² Mwitaa tuvaro Pitaava saqu iqiqaa se tiro, Sia ne mwi vaintira takuaurave, tiro. ⁷³ Mwitaa timwase sia muasaqama mwauvanta mwiraqi ntivi mwausua Pitaava mwaunani uro nenta mwirara tinta, Sisasira nraaqiaravaravano mwi mwatanaasua mwariavara quataama revaqa nkuaa mwi mwatanaava aasuma mwariaro. Mwisua tiri kua kuantase tianemase revaqa kuantase ti mwariaro, tinta.

⁷⁴ Mwisua mwitaa tuvaro Pitaava qava saqu iqiqaa se tiro, Ne sia quataa kua tiariro Kotiva soma ni nuqutu saanarove. Ne quataa tuko. Né ti mwaria vaintira sia ne mwira takuaurara né tiavo, tiro. Pitaava mwitaa tuvaro vaa kukoraaravano qukarora.

⁷⁵ Kukoraaravano qukarero suvaro Pitaava mwiraqaantai Sisasiva timwa mwu kuara riero. Sisasiva mwitaa turave. Kukoraaravano sia qukarairara re taaramo nrail niara tira sia ne mwira takuaurave tinarave tu kuara Pitaava riatero mwiva mwaqqani vuvaro mwira mwuntusavano sia suqe suvaro mwiva nroraqamase natora.

27

Sisasira qunama tora

⁵⁷ Ena suvaro Arimatianyaava vaaqara irainara mwato vaintiva uro ne. Mwira utu Sosepiva mwiva Sisasira nraaqiaravano mwaura. ⁵⁸ Mwi vaintiva uro ne Pairaativa mwauraqi uro Sisasira mwavana miqe mwqaqina qunama taase tuvaro Pairaativa nrail naqu vaintisua titero Sisasira mwavana mwira mwiate tuvaro ⁵⁹ Sosepiva uro Sisasira mwavana satariqaantai itu mwataqaa se qaraasa vaaqa tasuqu vaaqara mwarase mwira nraavumase ⁶⁰ mwaqi untu nrail naantiara qutu vuarinarara rietaro ori ukutoraqi mwira mwate nrora ori mwo mwira

raapuqi vi ori ukutora mwira oqaa
suvaitse mwini se vuvanta⁶¹ Mariaava
Makataaranyaavavaqa, mwira kokova
mwo Mariaavavaqa, mwitana mwataqaa
mwauvaro mwutu mwatani Sisasira
mwiraqi qunamato oriva vaura.

MAAKI

4

Vaintivano sara suku pisaqi vurara tura

¹ Sisasiva nruka tosan uro mwariro nraase qora mwasaasa timwa nyiase tuvanta nraase qora vaaqaravano ntunu nukaama mwainta mwira ututuma sovaroro tiro, Sisasiva pisero mpotuqi uro mwaari nero mwiraqi mwataqaa mwairo nramaiqaa mwauvanta nraase qoravano mwutuni nramai tosana mwaura.

² Mwisua nramai tosana mwataqaa mwauvano Sisasiva mwo kua mwo kuaqaa nuase tiro timwa nyura.

³ Sisasiva tiro, Ne tiarinta riaate. Vainti mwovano sara suku pisarero vurave.

⁴ Mwiva sara suku pisaqiro vuvaro sini sukuvano aara tosan untu nuvaro kurivano mwiri mwira nramwa sorave.

⁵ Mwitaa suvaro sara suku mwonravuvano ori mwataqaa untu nuvaro mwatavano sia mwenvaniqama vau mwatava vasuvavora tiro sukuvano untu niro vaavaama kutovaro ⁶ suarivano nrinero itamaqi viro asaraqama sovaro mwira tuqavano sia mwataqii mwenvani vurara tiro, asarama urave.

⁷ Mwitaa suvaro sara suku mwonravuvano kuankusa kutoraqi untu niro kuankusa vaqamase nivuvaro kuankusavanu suku mwira numwaqu sovaro sukuvano sia tava riorave.

⁸ Mwitaa suvaro sara suku mwonravuvano suqe su mwataraqaa untu niro suqemaseniviro uro suqema tava riatovaro sini suva mwira aatarase niviro uro suqe tava vaqaqara tava riatovaro sini suva mwira aatarase niviro uro suqe tava vaqaqara tava riatorave, tiro.

⁹ Sisasiva mwi kuarraqaa nuase timwa taiqase tiro, Ini aato vasirente mwi kuara qintutamase riaate, tiro.

¹⁰ Sisasiva kua timwa nyi taiqa sovanta nraase qoravano nyiari mwaqa nyiari mwaqa vuvaro Sisasiva nraria mwauvanta mwira nraaqiara ¹² nravuvanovaqa mwo susuavaqa Sisasiva mwaunani nrinenta Sisasiva mwi kuarraqaa nuase tu osarara sia qintutama siraitinta, mwisua Sisasira mwata riovoro ¹¹ Sisasiva mwisua timwa nyiro tiro, Kotiva nraase qoraqaa naqisiari kuara qumpau tai kuara mwi kuara Kotiva iniara qaqi sairanta mwi kuara osara riaate timwase mwiva qaqi nraase qora qaqlina mwaisua mwi kuara osara sia qintutama sera timwa nyiane tisana

ne mwi kuarraqaa nuase mwisua timwa nyitana sia mwi kuara osara mwisua timwa nyuko.

¹² Ne mwo kuaqaa nuase tiarinta nraase qoravano rientama sia qintutamase rievarave.

Mwisua ni kuara aato tarase sia qintutamase rievarave.

Mwisua nyiari sia suqe si airara qaqira pisaisarove

Kotiva mwisua nyiari sia suqe si airara mware kuara nukaama nataanarove, tiro.

¹³ Sisasiva mwitaa timwase mwiravusua tiro, Né mwo? Ne mwi kuarraqaa nuase tu osarara né siave qintutama riaavo? Né sia mwi kuara osara qintutama riaraitinta naantiara ne mwo kuqaavaqa nuasena tiari kuara né ntataama senta so qintutamase rievarave? ¹⁴ Ne ota mwi kuarraqaa nuase tu osarara ini timwa nyirenave.

Vaintivano sara suku mwataqaa pisora mwi kuara osara vairero Kotira kuama vaiseo.

¹⁵ Sara sukuvano aaraqaa untu nora mwira osara vairero vainti nraase qora mwonravuvano mwi sukura votaama mwariusuave. Mwi vainti nraase qorasua Kotira kua riaavaro Saataaniva nrinero mwisua vu aato mwuntusaqintai mwi kuara navisi mwairare.

¹⁶ Ori mwataqaa untu ni sukura osara vairero nraase qora mwonravuvano mwariusuave. Mwinravusua Kotira mwasaasa rienta mwi kuarara riaria-masemwariavaro ¹⁷ kuavano sia mwisua mwuntusaqii visanta mwi nraase qorasua sia mwi kuara mwo nrau mwo nrau riaraitinta mwariavanta, mwi kuara saara mwo siasua mwisua sia suqema utu nyatare siavanta mwisua tiri rivorave tinta Kotira kua vaa qaqlira pise mwaria vainti nraase qorasua mwariarave.

¹⁸ Nraase qora mwonravuvano kuankusa kutoraqi piso sukura votaamase mwariusuave. ¹⁹ Mwi nraase qorasua Kotira kua rienta mwiraqaantai mwisua mwataqaa irainarara nroraqamase riaqinta vitanta monorave mwo irainararave riariamaqi vitanta mwo irainara mwo irainara mwarenta riaqinta vinta Kotira kua qaqlira pisaavaro Kotira kuavano sia mwi nraase qorasuaqi vaisanta mwariarave.

²⁰ Mwisua mwitaa siavanta mwo vainti nraase qoravano suqe mwataqaa untu ni sukura votaama mwariusuave. Mwi nraase qorasua Kotira kua rienta mwi kuarara quataave tinta mwi kuara riaqinta vinta suqe aira Kotirani mwaqi vuarave. Mwisua siniravuvano Kotira kua rietanta aatarase suqe aira Kotirani mwaqi vinta

mwariavanta sini nravuvano mwisua aatarase suqe aira Kotirani mwaqì vinta mwariavanta sini nravuvano mwisua aira aatarase suqe aira Kotirani mwaqinta vuarave, tiro. Sisasiva mwi kuara turama.

5

SairaaSiva Sisasisra uro vitora

²¹ ...Sisasiva mpotuqi viri nane nrukaqì tare sinyaa tarasini vuvanta mwini nraase gora vaaqaravano suntu nukaa nukamase Sisasiva mwaunani ututuma mwauvaro ²² vanti mwovano mwi mwatusaraqì mwaara nraavuqaa naqisi mwaava SairaaSiva mwiri nriro Sisasisra takue uro mwira iqutarani untu niro ²³ mpo se tiro Sisasisra tiro, Ni naavuravano qutuariva mwataqa vaise. Revaqa vaa nritara rena saqu mwiraqaa mwatairaro mwira karavano taiqairaro so qaqi mwariarive, tiro. ²⁴ Mwi vaintiva mwitaa tuvaro Sisasiva mwiravaqa vura.

³⁵ ...Sisasiva mwiravaqa aarana vi mwauvanta vanti mwonravuvano SairaaSira nraavuqintai nritanta SairaaSira vitenta mwirara tinta, Mpo, ri raavuvravano qutu viso. Mwaara ti mwai vaintirre sia navaata vuane, tuvaro ³⁶ Sisasisavaqa mwinravusua kua riero mwaara nraavuqaa naqisu vaintirara tiro, Sia aatu siane. Re niara nroraqamase riaane, tuvo.

³⁷ Sisasiva mwitaa timwase mwiva Pitaaravaqa, Semisiravaqa, Semisira qata Soniravaqa, mwinravusua aasu ntita mware ³⁸ uro SairaaSira nraavuqi uro takuovanta vanti nraase qoravano nroraqama senta mpo tinta nate mwauvaro ³⁹ Sisasiva nraavuqi mwaari nero tiro, Narare né nate mwariavo? Mwi kuaasiva sia qutu viso. Mwiva qaqi vaite mwaiso, tuvo. ⁴⁰ Sisasiva mwitaa tuvanta mwisua Sisasiva tu kuarara qaqi aaritaru suvaro Sisasiva esaas nraase gora raaqu mwaagani se kuaasi mwira nrosua qosuavaqa, taaramonravu nraivaqa nrusuavaqa, Sisasiva mwinravusua aasu ntita mware kuaasivano qutu vunani uro ⁴¹ mwira saqu tuaarere nrai kuanantai tiro, Tarita kumi - mwaara kuaasio, ne riara nti vuane tuko, tiro. ⁴² Sisasiva mwitaa tuvaro mwi kuaasiva vaa ntiviro nrue mwauvo. Mwi kuaasiva 12 isi mwarasova ntiviro viro nriro mwauvanta mwinravusua mwira takuenta mpo mpo tinta saqu nunkinkiraara tenta sintu mwauvaro ⁴³ Sisasiva mwinravusua irora siro tiro, Né mate takuua airara sia mwo vaintivaqa timwa nyiate. So mwaa kuaasirara sara aasu mwiate, tuvo. Sisasiva mwi kuara turama.

6

Sisasisra pata sara vaaqara vaqamase nura

³¹ Mwo ena vaaqara nraase qoravano Sisasira takuarenta vitare nrirare si mwauvanta Sisasisavaqa nrai vaintivaravaqa sia so sara nrarenta qaqi mwauvaro Sisasiva mwitaa tiro, Vivaqenravu sia vaintivaqa sisanta uro mwariare, tiro. ³² Mwitaa timwase nrai vaintivaravaqa ntitero mpotuqi mwaari nero nramai nrukaqì tarero qumina santa virero vura.

³³ Mwinravusua mwini senta vuvanta vaaqara nraase qoravano mwinravusua takuenta mwinravusua mwini virenta sunaniara rienta mwo mwatusaqi mwo mwatusaqintai mwisua sanenta nramai nruka tosantata mwata nuna sanenta uro Sisasiva vuase tunaniara mwisua nanenta uro nenta.

³⁴ Mwisua nanenta uro novaro Sisasiva uro ne mpotuqintai mwataqì mwaavi ne takuovanta nraase qora vaaqaravano nukaa sintu mwauvaro Sisasiva mwisuara mpo tiro mwitaa tiro, Vaintivanu sia sipisipiqa naqisi mwarisanta sipisipivano nyariara sampi nrue mwaria sipisipisua mwisua votaasua mwaa nraase qorasuavaqa sampi nrue mwariavo, tiro. Mwitaa timwase Sisasiva mwinto mwitaro mwisua mwo kua mwo kua timiva nuvo.

³⁵ Sisasiva kua tiaqi vuvaro suarivano tutiro vuvanta Sisasisra vaintinravuvano mwirara tinta, Mwaini qumina mwatasantave. Ena siaso. ³⁶ Re nraase qora ntusi tiranta mwisua mwo mwatusa mwo mwatusa nruenta ori ninta sara mwaraate. Mwisua sia saravaqa mware nriasuve, tuvo.

³⁷ Sisasisra vaintinravuvano mwitaa tuvaro Sisasiva qao tiro, Néntavano sara mwisua niate, tiro. Mwitaa tuvanta mwinravusua qao tinta, Te nrora orive 200 ki-naave sove ninta sara mwasenta mwisua niaraarave? tuvo.

³⁸ Mwisua mwitaa tuvaro Sisasiva nrai vaintinravu mwata riero tiro, Nara nara mpereti sarave vaise. Né uro takuaete, tiro. Mwitaa tuvanta mwinravusua uro takuenta Sisasisra timwa mwinta tinta, Mpereti sara nkuaa saquru aasu vaise. Tavusa taarama aasu vaise, tuvo.

³⁹ Mwinravusua mwitaa tuvaro Sisasiva nraase qorara tiro, Né esaas musau santa mwataqaa mwariate, tiro. ⁴⁰ Mwitaa tuvanta mwisua mwo santa 50 nravuvano mwataqaa mwauvanta mwo santa 100 nravuvano mwataqaa mwauvanta mwitaamaqì vinta vinta esaa nraase qoravano mwataqaa mwauvaro ⁴¹ Sisasiva

mpereti nkuaa saquru mwase tavusa taarama mwase naavuni takuetaro Kotirara saparamase sarara sujemave, tiro. Sisasiva mwitaa timwase mpereti sara uveqase mwiva nrai vaintinravu niro tiro, So né sara mwarenta uro mwisua nivanta mwisua esaa nraate, tiro. Sisasiva mwitaa timwase mwiva tavusa taaramavaqa mwase airase nyuvo.

⁴² Sisasiva mwi sarara nrai vaintivararanu nyuvanta mwinravusua uro nraase qora nyuvanta mwisua esaa so nrorama. ⁴³ So nrovanta Sisasira vaintinravuvano mwiraqaantai vunato tuara nrora tua mwarenta uro nraase qoravano mperetivaaq tavusavaqa nretanta viti piso sarara suntu senta nrora tua 12 nravu ntunu senta kuraama sorama.

⁴⁴ Mwi enara 5000 qoravano mwi sarara nrovanta nraase vaaqaravanovaqa mwi sarara nrorama...

10

Sisasiva Vatimiasira vu mpaira sora

⁴⁶ Sisasiva nrai vaintivaravaravaqa viro Seriko mwatusani uro viro mwi mwatusara aatarero vire suvanta nraase qora vaqqaravano mwira vataqinta vi mwauvaro vu qimpa vu vaintiva Vatimiasiva Timiasira mwaaquvano mwairo mwitaa su irainarara naaru tiro miate ti mwau vaintiva aara tosani mwataqaa mwairo.

⁴⁷ Mwiva mwini mwaitaro Sisasiva Nasaretinyaaya nritaraarirara riero mwiraqaantai mwiva nroraqamase Sisasirara saparamase tiro, Sisasio, Ntevitira mwaquo, re niara mpo tiane, tuvo. ⁴⁸ Vu qimpa vu vaintiva mwitaa tuvanta nraase qora vaqqaravano mwirara irora sinta tinta, Re o suvaitaaane, tuvaro mwi vaintiva sia mwisua kua riarero qava nroraqamase saparamase tiro, Ntevitira mwaquo, niara mpo tiane, tiro.

⁴⁹ Vatimiasiva mwitaa tiaqi vuvaro Sisasiva mwiraqaqaa ntiviro mwairo tiro, Sapara sivaro nriariive, tuvanta mwisua vu qimpora saparamase tinta, Re riariamase mwariiane. Nti vuane. Mwiva ri sapara siso, tinta.

⁵⁰ Mwisua mwitaa tuvaro vainti mwiva nrai vaqa utora raaqu qaqlini se ntiviro Sisasiva ntivi mwaunani vuvaro ⁵¹ Sisasiva mwira mwata riero tiro, Ne ri ntataa siase tukare re nriaro? tuvaro vu qimpa vuva tiro, Mwaana tiara vaintio, re ni mpu mpaira saane tina nrukavave, tiro.

⁵² Mwitaa tuvaro Sisasiva tiro, Re so vinarave. Re niara mwiva so ni saisaqa sianarove tiararoma ri uvuvano sujema viso, tiro. Sisasiva mwitaa tuvaro mwira uvuvano mpaira vuvaro mwi vaintiva so

takuura. Mwiva so takuova Sisasivavaqa mase aarana vura.

12

Uaini sana mwara tutoraqaa sia suqe-mase naqisu vaintisura tura

¹ Sisasiva mwitaa timwase mwo kuaqaa nuase mwisua timwa nyiro tiro, Vainti mwovano uaini sana mwara tute tosan urisa rate mwata qukuse uaini tava tatiirira ututuse vaivaraara tainta utute mwate niarani mwo mwatani virero siro mwo susua timwa nyiro tiro, Né ni uaini vutagaqaa ninani naqisi matenta né sini uaini tava siqisenta nénta mwaretanta sini uaini tava mwara ninani mataate, tiro. Mwitaa timwase mwiva niarani mwo mwatani vurama.

² Mwini uro mwauvaro uaini tava siqu enava nrinovaro mwiva nrai aira vainti mwo titero tiro, Re uro ni nraasoqaa naqisi mate mwaisuara tiranta uaini tava ninanivaga siqi mataate, tuvaro ³ mwira aira vaintivano mwini uvuanta mwira nraasoqaa naqisi mwate mwau vaintisua mwira aira vainti navaatavu senta saavuqaantai mwira nuquputuse mwatenta sia uaini tava siqi mwiraitinta, qaqi mwira titovaro uro nane vura.

⁴ Qaqi uro nane vuvaro nraaso qova nrai aira vainti mwo titovaro uvuanta mwira nraasoqaa naqisi mwate mwausua mwira aira vainti qita rasenta sauri irainara mwurama. ⁵ Mwitaa suvaro nraaso qova nrai aira vainti mwo titovaro uvuanta mwisua mwira rusenta. So mwitaamagi vinta sini mwira aira vainti titosua saavuqaantai nuquputenta sini ruserarama tina. ⁶ Mwira aira vaintinravu taiqa sovaro vainti nkuaqa aasu mwaura. Mwi vaintiva nraaso qora mwaaquvano mwauvaro mwira qova nrai mwaaquva mwuntusa nuvaro mwau vaintiva mwauvaro mwira qova mwiravaqa naantiara esaara titero tiro, Mwisua ni maaqu takuenta niara mwira mwaaquve titanta mwira suqema mwatevarave, tiro.

⁷ Mwitaa timwase nrai mwaaqu titovaro mwini uvuanta mwira nraasoqaa naqisi mwate mwau vaintisua mwira mwaaqu takuenta nrai timwa mwi nrai timwa mwinta tinta, Mwira qova qutu viraro mwaa vaintiva nrai qora mwatavaqa mwitaa irainaravaqa mwaraarivama mwaiso. Mwaraivaqe te mwira rusaararo mwiva mwarare siari irainarava tirini aasu vasiarive, tinta. ⁸ Mwisua mwitaa timwase mwira mwaaqu navaatavuse ruse mwaaatani mwaati mwira pisorave, tiro.

⁹ Sisasiva mwitaa timwase mwiva nraase qora mwata rie tiro, Mwisua mwitaa

surara tiro, nraaso qova nrai mwaqa ru-sorara ntataave sianarove? Nraaso qova nrine nrai nraasoqaa naqisi vaintisua ru taiqase mwonravuara tiro, Né ni nraaso-qaa ninani naqisi mataate, tianarove.¹⁰ Né siave Kotira vukuqi mwaa kuara saara ni-tanta riaavo? Mwi kuava mwitaama tiso: Ori nraavu utitanta mwo oriaria sia suqe orive timwase qaqlira pisaa oriva mwi oriva pusa oriqlama viso.

¹¹ Kotiva mwi orira mwarase nroraqama sairara tinta, te Kotira aira takue-tanta suqe airave turo, turave.

Kotira vukuqi mwitaama qumwaara torave. Né siave mwi kuara qumwaara tetantave qintutama riaavo? tiro.

¹² Sisasiva mwitaavu tuvanta Iutaa nrora vaintivaravano qintutama riovoro Sisas-iva uaini vutaqaa nraqisi mwato vaintisuara titaroma mwiva mwisuaqaa nu-ase tuvanta mwisua Sisasira navaatavuse ko mwiare timwataenta nraase qoravano mwiraqi suntu nukasusua tiri irora sivo tinta mwisua aatu sinta sia Sisasira navaatavu saraitinta, qaqlira pisenta vu-rama...

15

Sisasiva Paireativa mwaunani vitaqinta uro sora

¹ Mwi qararaara toqaqi Kotira aira mwara mwatante mwau vaintisua mwisua nrora vaintivaravaqa, Iutaa nrora vaintivaravaqa, mwaara osara ti mwau vaintisuavaqa, esaa kaanasori vaintivaravaqa, mwisua suntu nukaama vinta mwaitanta mwisua tiare tu kuara suntu nukaama mware Sisasira seni sanagaantai mwira rumpa mware Paireativa kamaanira nrora vaintivano mwauraqi uro sora.

² Uro sovaro Paireativa Sisasira mwata-riero tiro, Quataave re Iutaa mwatanya-a-sua ntaarunya vaintivano mwariaro? tu-varo Sisasiva tiro, Re tiarava ne mwaa mwivama siso, tiro. ³ Mwitaa tuvanta Kotira aira mwara mwate mwau vaintisua mwisua nrora vaintinravu mwo kua mwo kua saara Sisasira irora si mwauvaro ⁴Paireativa mwisua kua rietaro qava Sisas-ira mwata riero tiro, Re siave nyarivaqa tinarave? Mwisua vaaqara kua saara ri irora si mwariaro, tiro.

⁵ Mwitaa tuvaro Sisasiva qava kem-pusaqamase sia kua tiraitiro mwauvaro, Paireativa vaaqara aato ti mwaura.

Naqu vaintisua Sisasira kuaaritarama mwatenta mwira nuqutura

¹⁶ Paireativa nrai naqu vaintisua ntaquqi Sisasira pisovanta mwisua mwira vitaqii uro kamaanira nraavuqi se mwisua nyiari sena naqu vaintisua esaa sapara sinta

suntu nukaama mwainta ¹⁷ Sisasirara mwuoqanyaa kua tinta ntaarunya vainti vaaga votaa sura rumpa mwataare tinta nraare vaaga rumpa mwatenta mwiraqaantai quki sana mwarase qututu-mase ovaqa votaamase Sisasira qiatagaqaa qumwa tenta ¹⁸ munaqamase mwisua nyiari ntaqu vuriqaa mwatentata muna kua timwa mwinti tinta, luta mwatanya-a ntaarunya vaintio, re mwarirave? tinta. ¹⁹ Mwitaa timwase mwisua saavuqaantai Sisasira qiatu nukavusenta mwiraqaata taara visise mwira vuqaa tori naqunta-nenta muna riariasitanta mwaura.

²⁰ Mwitaamaqinta vitanta mwira nuqutu-senta aaritara sintu taiqase mwiraqaantai mwisua nraare vaaga rumpa mwato-riera avanuse Sisasira nrai tuavaaqa utu mwatenta mwira satariqaa niri rutenta sir-itarenta Sisasira vita mwarenta vurama.

Sisasira satariqaa niri rutenta siritora
²¹ Naqu vaintinravusua Sisasira satariqaa niri rutenta siritarenta sitanta mwira vitaqii mwatusa mwaaqani aarana vi mwauvaro vainti mwovano mwira utu Salmoniva mwintairo nrora mwatusani virero svantana mwisua mwirara kempusaqamase tinta, Sisasira satari re mwara qu mwarera uro mwataane, tuvaro Salmoniva mwira satari mwara qu mwarero uro mwatora. Salmoniva Sairini mwatanyaavaa mwiva Arekisantasua Rupusua mwitana qovama mwaura.

²² Mwisua Sisasira vitaqii uro qumina santa Korokotave tunani sora. Korokota mwaa kuaraqintai tirenta, Qiata Mwusaari santave, tunani Sisasira uro se ²³ uaini nra-mai mwiraqi sunkavu irainara kuantase mwato nramaira mwira mwirenta suvaro Sisasiva sia nrora.

²⁴ Sia nrovanta mwisua mwira satariqaa nriqaantai rutenta mwira tuavaaqa mwarase ntasua ntasua so mwarevarave timwase mwisua kaati ruanema setanta ori pisetanta Sisasira tuavaaqa ntusamase mwarara.

²⁵ Toqaqi suarivano mamataama vau-vanta Sisasira satariqaa rutora. ²⁶ Mwira satariqaa rutenta Sisasira qiatani kua mwo mwira ko timwa mwato kuara qumwaara ratenta satariqaa rutovaro mwi kuava mwitaama tiro, MWAA VAIINTIVA IUTAA MWATANYAASUA NTAARUNYAA VAIINTIVE, tiro. Mwi qumwaarava mwitaama vaura.

²⁷ Mwisua Sisasira satariqaa rutetanta Sisarisavaqa vainti taaramavaqa ruto-vanta mwitana muara mware mwausua mwauvanta mwisua vainti mwo Sisasira saqu tanaranani niri rutenta vainti mwo Sisasira saqu saantotanani niri rutora.

²⁸ (Sisasiravaqa mwitanavaqa rutorara tiro, Kotira vukuqi kua mwo qumwaara tova mwiva qovara sura. Mwitaama tiro: Mwiva sia suqe si vaintisua vaqamase mwarianarove, tura.)

²⁹ Mwitaama rutovanta nraase qoravano vitare nritare sinta mwiri takuenta nyari vauru iqisenta Sisasira sia suqe kua timwa mwatentia tinta, Qike, re tira, Kotira nraavu mpaira senama taaramo enaqaa aira mwaretanama qava soqa taiqa saasare, tianara mwo? ³⁰ So rena saisaga siane. Rena satariqaantai miavi naane, tinta.

³¹ Mwisua mwitaa ti mwauvanta mwisua tunemasenta Kotira aira mwara mwate mwausua mwisua nrora vaintivaravanovaqa, mwaara osara ti mwau vaintisuaqa, mwisua Sisasirara aaritarama mwate tinta, Mwiva mwo siasua nraasu saisaga si mwaiva siama nrai so saisaga sianarave. ³² Mwiva Kotiva titai vaintiva Mesaia vaintivanove mwaiso? Mwi vaintiva Isaraari mwatanaa ntaarunya vaintivanove mwaiso? Saqe te mwaitanta takuaararo mwiva nrai satariqaantai miavi nero mwatani tukirere te mwirara putaa tiare, tinta...

16

Sisasiva qutu vuraqintai qava qaqui ntivura

¹ Sarareeqaa Iutaa mwatanaasua mwaara ena taiqovanta Mariaava Makataaranyaa nraasevanovaqa, mwira kokova Iemisira nrovavaqa, Saromevavaqa, mwi nraasesua ori aque suqemase mwunta vu irainarara mwaqinta Sisasira mwavaanaqua qumwatarenta vura.

² Saante toqaqi suariano mwirini nruvanta mwiravusua Sisasira qunama toraqi virenta vura. ³ Aarani vitanta mwiravusua nrai mwata rie nrai mwata rie sinta tinta, Tenravu mwini uro naararo ntavave ori nrora qentana suvaito orira raaqu timwataanarove? Mwi oriva nrora orima vaiso, tinta. ⁴ Mwitaa timwase mwiravusua nrinenta takuovaro ori qaquinani raaqu qaqlini sova vaura.

⁵ Orivano mwitaama vauvanta takuenta mwiravusua origi mwerane takuovaro vainti mwo qaraasa vaintivano tasuqu tuavaaqara ututo vaintiva mwiraqi sini saantaaqi mwataqaa mwaura. Mwiva mwiraqi mwauvanta mwira takuenta mwiravusua aato suvaro ⁶ mwiva tiro, Sia aatu siate. Sisasira Nasaretinyaara satariqaa rutaa vaintira nénravu mwira mpuuaasi mwariavo? Mwiva sia mwaaqi mwaiso. Mwiva qaqlina ntiviso. Nénravu takuaate. Mwaini mwira mwataanani siama mwaiso. ⁷ So mwaa kuara

mwaqinta uro mwira nraaqiaravaravaqa, Pitaaravaqa, timwa nyiate. Mwitaama timwa nyiate. Mwiva naane ini ntuni Kariri mwatanima viso. Nénravuvaqa mwini uro vinta mwira takuevarave. Ntaaru mwiva mwitaro mwirara ininravu timwa nyura mate mwivama qovarama viso. Mwi kuara timwa nyiate, tiro.

⁸ Mwiva mwitaa tuvanta aatu sitanta tinta mwiravusua Sisasira qunama toraqintai mwevane sanenta aarani vinta sia mwosuavaqa timwa nyiraitinta vura.

RUKI

7

Taqe nraase mwira mwaqaqua tura

¹¹ ...Sisasiva mwo mwatusa mwira utu Neni mwatusani vuvanta mwira vaintivaravanovaqa vaqaqara nraase qoravanovaqa Sisasira vataqinta vuvaro ¹² Sisasiva mwi mwatusara qentaqaa uro takuoventa mwi mwatusaraqintai nraase qoravano qutu vu vaintira mwarenta mwira qunarenta timwa tenta nrurama.

Qutu vu vaintiva taqe nraase mwira mwaqaqvano mwauvanta vaqaqara nraase qoravano mwi nraaseravaqa mwasenta nruvaro ¹³ Sisasiva mwi nraasera takuvaro mwira mwuntusa nruvaro Sisasiva mwi nraaserara mpo se tiro mwirara tiro, Sia nataane, tiro. ¹⁴ Sisasiva mwitaa tiate uro qinkera tumwarovanta vaintimravuvanu qinkera mwira mwarosua mwiraqaa mwataate mwauvaro Sisasiva tiro, araasa vaintio, ne riara qaqi nti vuane tuko, tiro. ¹⁵ Tuvaro qutu vu vaintiva ntiviro quturaqintai ntiviro kuavaqa tuvaro Sisasiva mwi vaintira nrainora mwurama.

¹⁶ Sisasiva mwitaa svantanta vainti nraase qora esaa nroraqamase aatu itovanta Kotira utu tuaare renta tinta, Mpo paropeti vainti nroravano tiri vutaqaa qovarama viso. Te Kotira nraaqiara suraro mwiva sia tiri pisavave, tinta. Mwisua mwitaa tuvaro Sisasiva aira mwaro mwasaasava esaa Iutaa mwaatanivaqa Iutaa mwata mwataqa vau mwatusaniaravaqa viro mwi kuava vitaro nrirato svantanta esaa mwi kuara riorama.

12

Kotira aatu aasu aatu sinta mwariate turama

⁴ Ni namwunaaao, ini mwavana aasu rusessua sia mwisua aatu aatu siate. Mwisua ini rusenta ini mwaranavaqa sia so rusevarave. ⁵ Né ntara aatuve sivara siavo? Saqe ne ini timwa nyiase. Né Kotira aatu aatu siate. Mwiva kempusaqa siva mwaitaro mwiva vainti mwo ruse mwiraqaantai so mwi vaintira qutu visua vuanani untu pisaisaro mwaiso. Eo, ne iniara tina, Né Kotira aatu aatu sinta mwariate tuko, tiro. Sisasiva mwi kuara turama.

Vaaqara irainara mwatato vaintirara turama

¹⁵ ...Sisasiva esaa vainti nraase qora timwa nyiro tiro, Né surauri mwariate. Né vaqaqara irainarave vaqaqara monove mwarenta mwirara nroraqamase nau

riaqi vivo. Né vaqaqara irainara mwatate so mwaiqi vuaraarave tivo. Vaaqara irainaravano sia ini saisaqa siranta né suqemase mwaiqi vivarave, tiro.

¹⁶ Sisasiva mwitaa timwate mwiva mwo kuaqaa nuase timwa nyiro tiro, Vainti mwovano vaqaqara irainara mwatova sarasaapa mwo utuse mwiraqaantai vaqaqara sarasaapa mwase ¹⁷ nrai timwase rie tiro, Ne ntaa nraavuraqive mwaa sarasaapara mwataasarave? Esaa ni nraavuqi sarasaapavano suaiqa siso, tiro tuvo.

¹⁸ Mwitaa timwate mwiva qava tiro, Saqe ne esaa nraavu nuquraasena qava nrora nraavu vaqaqara nraavu soqasena mwiraqi sarasaapavaqa mwitaa si irainararavaqa mwataase. ¹⁹ Ne mwi airara taiqa sena mwitaa tiase, Ne suqema mwauko. Vaqaqara sarasaapavaqa vaqaqara irainararavaqa vaisana ne vaqaqara isi qaqi mwaiqi vina mwaa sarasaaparavaqa nramaivaqa nramwaqi vina suqemase mwariasarave tiase, tiro.

²⁰ Mwi vaintiva mwitaa tuvaro Kotiva mwira timwa mwiyo tiro, Sia ri vu aato vaisarave. Mate enaqi re qutu vinarave. Re qutu viraro rena tutase tiana irainarara mwovano mwi irainarara mwaraanarove turave, tiro.

²¹ Sisasiva nraase qora mwitaa timwa nyiro mwi kuara taiqase mwiva mwisuarda tiro, Vaintivano soqara aasu nau riapi viro esaa soqaa vaqaqara mwatataiva mwairaro Kotiva mwi vaintirara tiro, Ri soqaa qumina irainarave. Ne takaukara re mwaaqu vainti mwariaro. Re qaqi qutu vinarave tianarove, tiro. Sisasiva mwi kuara mwitaa turama.

15

Raumpirima vu vaintirara

Sisasiva mwaa kuara timwa te tiro:

¹¹ Nraaru vainti mwovano qora nraaqiara taarama mwatatova mwauvaro ¹² naantiaraava mwaitaro nrai qorara tiro, Naantiara re ni miase tina irainarara mate vaa miane, tiro. Mwitaa tuvaro mwira qova nrai mwato irainarara nuqaqamase nrai nraaqiartana mwora mwiro mwora mwiro suvaro ¹³ mwira mwaaqu naantiaraava pataqaa mwaitaro mwira qova nrai mwu irainarara mwoosua nyiro ori mwarero untu niarani mwo mwatanai mwariase tiro vura.

Mwiva niarani mwo mwatanai viro mwini mwaitaro mwiva sia suqe vaintiravuvuqaq mwariqiro viro ¹⁴ nrai ori uro taiqa sero. Mwira orivano taiqa vuvaro mwauvaro mwi mwatarani sia saravaqa vaunani nrora qaaranovaro ¹⁵ mwiva mwaaqu vainti mwaitaro

mwi mwatanaasua mwo vaintiqaa aira mwaroroma. Mwiva mwo vaintiqaa aira mware mwaauvaro mwirara uro quara sara nyiane tuvaro¹⁶ mwiva quara sara nyiro tiro, Mpo, nevaqa quara sara viti nyura nraataarave tuvaro mwira sara mwiarai vaintivia sia mwaauvaro¹⁷ nraataa suvaro mwi vaintivia mwariro aato tusero nau riase tiro, Ni nkora saiga vaintivaravano vaqaara sarasaapa nre mwariavana ne mwaanto mwaitana sara nraataa sisana mwauko.¹⁸ Saqe ne nena nkova sinani nanena vuase. Ne uro nanena mwirara mwitaa tiase. Ni nko, ne Kotira vuqaavaqa ri vuqaavaqa qaqiraqa si airara mwarauko.¹⁹ Ne mwitaa sinarara tina, ne sia so ri nraaqiara suqeva mwariasarave, Ne ri saiqa vainti aasu mwariasarave. Ne uro nanena ni nkora mwitaa tia mwiese, tuvo.²⁰ Mwi vaintivia mwitaa tiasero mwiva ntiviro nrai qova sunanu nrurama.

Mwiva mwini aarani viro mwira qora nraavu mwataqa nruvaro mwira qova mwira mwutu takue mwiva mwirara riariamase sanero uro mwira mwaaku navaatavuse mwira suvuqamase mwauvaro mwira mwaauquvano tiro,²¹ Ni nko, ne Kotira vuqaavaqa ri vuqaavaqa qaqiraqa si airara mwarauko. Ne mwitaa sukavaratina, ne sia so ri nraaqiara suqeva mwariasarave, tuvo.

²² Mwitaa tuvaro mwira qova nrai aira mwaro vaitirara timwa nyiro tiro, Né uro tuavaqaqa suqera aasu mwaqinta mwiri mwira mwiate. Saantavavaqa iraravaqa mwasesata sumwataate.²³ Purumakau nraatativaqa rusenta suntaaate. Mate mwaasua mwirara riariama saare.²⁴ Ni maaquvano qutu viso tukaro qaqi nrinaiso. Ni nraaqiara vana raumpirima viso tukaro qaqi qovarama viso, tuvo. Mwira qova mwitaama timwase riariamase sarasaapa mwase mwisua mwira vaasua utunurama.

²⁵ Mwisua mwira vaasua uti mwauvaro mwira vasaava saiqaqintai nrinero riovanta²⁶ isi ti mwauvaro riero mwiva nrai qora aira vanti mwo mwira riovoro mwiva mwitaa tiro,²⁷ Ri qatavano mwewantai nrinaiso ri qova mwirara riariamase purumakau nraati rusero suntu mwataiso. Mwiva ri qata suqemase vitase mwitaa riariamase mwaiso, tuvo.

²⁸ Mwitaa tuvaro mwira vasaava mwauvaro rara itovaro iqiru tusero sia nraavuvi virero mwaatani mwauvaro mwira qova mwewa nero mwira sapara suvaro mwira mwaauquvano mwitaa tiro,²⁹ Ne vaqaara isi ri aira mwarenta mwaitana sia ne mwo enavaqa ri kua anuauko. Ne nena tontivaravavaqa riariama saare tukara re sia memeraa nraati mwonku nuqutu sera ni miaro.³⁰ Mwaava ri mwaauquvano

nraaserara nuaararo mwitaro mwiva re mwiana irainarara mwarero untu taiqase untu nane nrisarama re mwirara purumakau nraati suqera qumina mwirara nuqutu sera mwiaro, tuvo.

³¹ Mwitaa tuvaro mwira qova qao tiro, Ni maaquo, re nivaqa mwariaravave. Ne mwu irainarara tentatana mwataunarave.³² Ri qatavano qutu viso tukaroma qaqi nrinaiso. Mwiva raumpirima viso tukaroma qaqi qovarama viso. Mate te mwirara riariamase mwariare, turama. Sisasiva mwi kuara turama.

16

Sisasiva Rasarusirara tu kuara

¹⁹ Sisasiva mwitaa timwa sero mwiva mwo kua nraase qora ntu nusua timwa nyiro tiro, Vanti mwovano vaqaara irainara mwatataova suqe tuavaqa nukutova mwo nrau mwo nrau suqe su sarara aasu nretaro mwauvo.

²⁰ Mwi vaintivia mwi sarara aasu nretaro mwauvaro vanti mwovano mwira utu Rasarusiva mwauvanta mwsuua mwi vaintira vitenta uro vaqaara irainara mwato vaintira qentaaq i sovaro mwiva mwinto mwauvo. Mwi vaintivia sia irainaravaqa mwato vaintivaa mwaaku vaintivano mwauvaro numwaaravano esaa mwira mwavanamaata vauvaro²¹ mwi vaintivaa mwitaro vaqaara irainara mwato vaintivaa sara nretaro viti piso sarara mwi sarara aasu nrarero mwauvo. Sia irainara mwato vaintivaa mwinto mwitaa mwauvanta vairi mwonravuvano vitare nrirate sitanta mwira nrumwaara mposu nrorama.

²² Sia vaqaara irainara mwato vaintivaa qutu uvanta naavunyaasua mwira vita mwarenta uro Avarahaamuva nrai saivaqava mwaunani i senta. Mwira uro i sovaro mwinto mwauvaro²³ vaqaara irainara mwato vaintivaa mwivavaqa qutu uvanta mwira mwataqiqunama tovaro mwiva qutu vusua mwaqiqi mwitaro qara nuase mwauvo. Mwitaa mwitaro mwutuni takuvaro Rasarusiva mwinto Avarahaamuravaqa mwitaro suqema mwauvo.

²⁴ Mwinto mwitaa mwauvaro mwiva Avarahaamurara saparamase tiro, Avara haamu, tiri qo, niara mpo timwa mataane. Re Rasarusira vusi tiraro mwiva uro nrai saqu nramaiqi naasero untu ni maaqiriqaq mwatairaro ni maaqirivano sumpama vuarive. Ne nrora tia itairaqui mwarinama qara nina mwauko, tuvo.

²⁵ Mwitaa tuvaro Avarahaamuva qao tiro, Ni mpaio, re riaane. Re nraaru qaqi mwau enara suqe irainara mwate mwauraro Rasarusiva sia suqe irainara

aasu mwatovave. Mate mwiva mwaanto mwitaro sujema mwaisara re mwinto mwitaro qara nira mwariaro.²⁶ Re qava rie mwaiqe mwo kua ri timwa mwiese. Re mwariaranta te mwauroaro qina nroravano vutana vaiso. Mwaintai vuaso mwintai nriaso tiro Kotiva qina nrora mwataiso, tuvo.

²⁷ Avarahaamuva mwitaa tuvaro mwi vaintiva tiro, Mpo tiri qo, re Rasarusira vusi tiraro mwiva ni nkora nraavuqi uro mwitaro²⁸ ni nkata mpasaa nkuaanania saquru timwa nyiarive. Mwisuavaqa mwaini ita virani nrivo, tuvo.

²⁹ Mwitaa tuvaro Avarahaamuva qao tiro, Mosesivavaqa paropeti vaintivaravaqa qumwaarara to kuava vaiso. Mwisua mwi kuara so rievarave siavo, tuvo.

³⁰ Mwitaa tuvaro qaqi mwau enara vaaqara irainara mwato vaintiva tiro, Siave, tiri qo, Avarahaamu, qutu vuari vaintiva uro nane timwa nyisanta mwisua mwira kua rietanta qaqliraqa si airara pisevarave siavo, tuvo.

³¹ Mwitaa tuvaro Avarahaamuva qao tiro, Mwisua Mosesira kuavaqa paropeti vaintivaravaqa sia rientente, qutu vuari vaintiva uro nane tiari kuaravaqa mwisua sia so rievarave siavo turave turama.

Sisasiva mwi kuara turama.

22

Sisasira navaatavu sora

⁴⁷ Sisasiva mwini mwitaro kua qaqtu mwauvanta vaaqara vaintivano nri-nora. Sisasira nraaqiara 12 nravuqintai Sutaasiva vaaqara vainti ntita mware mwiva naane mwisua ntuni nriro Sisasiva mwaunani nrinero uro Sisasira motanare uti mwauvaa⁴⁸ Sisasira tiro, Sutaa-sio, re ni mota sera ni mwataqiqi mwataatai nraaqiaraa nramwutaa ntuqaave ni qovarama senarave? tiro.

⁴⁹ Sisasiva mwitaa tuvanta mwira nraaqiavarava mwira vajamase mwausua takuovanta mwisua Sisasira navaatavu sarenta uti mwauvanta mwiravusua Sisasira tinta, Nrora vaintio, tenravu paipaqtai mwisua tuqu saanarave? tinta. ⁵⁰ Sisasira nraaqiavaravano mwitaa tuvaro mwiravusuaqintai mwovano Kotira aira mware mwate mwau vaintisua mwisua vunyaa vainti aira vainti mwo tuquse mwira aato tuqu sovaro unto nuvaro Sisasiva sove tiro⁵¹ timwase mwi vaintira aatoqaa nrai saqu mwataatovaro mwira aatovano tavana vura.

⁵² Kotira aira mware mwate mwau vaintisua mwisua nroranravuvanovaqa, Kotira nraavuqaa naqisi mwau kiripuvanovaqa,

nrora vainti mwonravuvanovaqa, mwisua Sisasira navaatavu sare nrusuara Sisasiva tiro, Né kamaanira vajamase naquari vaintira votaamase navaatavu sarentave né paipavaqa saavuvaqa mware nriyo?⁵³ Ne ini vajamasena mwo nrau mwo nrau Kotira nraavuqi mwaiqina vi mwaukanté sia ni navaatavu saarave. So mate mwaa enava ini enama vaiso. Mate rupisiqi mwariari irainava kempusaqama sianarove, tiro.

23

Sini tosani ruto vaintiva kua tura

³⁹ Kamaanira kua anuo vaintiva mwovano sini tosani rutova mwivavaqa Sisasira sia suqe kua timwa mwi tiro, Qutaave re Mesaia vaintivano mwariaro? Re renavaqa tiritanavaqa saisaga siane, tiro.

⁴⁰ Mwitaa tuvaro kamaanira kua anuo vaintiva mwovano qao tiro, Re siave Kotira aatu siaro? Mwisua tiritana votaamase mwiravaqa rutaavo. ⁴¹ Mwisua tiritana so rutaavo. Mwisua tiritana sia suqe aira saara tiritana rutaavo. Mwi vaintiva sia qaqliraqa si airara mwaraiwave, tiro. ⁴² Mwitaa tiase mwiva Sisasirara tiro, Sisasio, ri nroraqama saari enaraqaa re niaravaqa riaane, tiro.

⁴³ Mwitaa tuvaro Sisasiva tiro, Ne ri timwa mwiarira riaane. Mate re nivaqamase suqe mwatusani mwatarinarave, tiro.

Sisasiva qutu vura

⁴⁴ Mwitaa tuvaro suarivano mamatama nruvaro mwirakaantai rupisima vuvaro sia suarivano itovaro rupisi aasu rutovaro suari tukiviro 3 kirokuqaa suvaro qava ataama vura. ⁴⁵ Ierusaremi mwatusani Kotira nraavuqi tausa votaama vauraqi nrora vaqaq siritova vutaaqaa nrai nuqe vuvaro⁴⁶ Sisasiva satariqaa mwitaro nro-raqamase oi aai tiase, tiro, Ni nko, ni mwarana mwareane, tiro. Mwitaa tiase Sisasiva qutu viro.

⁴⁷ Sisasiva qutu vuvaro naqu vaintisua qiatu vaintivano Sisasiva mwitaa sura takuero Kotira utu tuaarere tiro, Qutaama mwaa vaintiva sujema nrue mwai vaintivave, tiro.

⁴⁸ Mwitaa tuvanta mwo susua mwi irainarava qovara sura takuarenta suntu nukaama vusua mwisua mwitaranta takuama senta mwirakaantai mwisua nyari mwaaqani nyari mwaaqani nanenta vitanta mwuntusa sia suqe svantya nyari mwuntusa nuqutuse vura. ⁴⁹ Mwisua vuvanta Sisasira vataqi nrue mwau nraase gorasuvavaqa, nraase mwonravu Kariri mwataantai Sisasira vataqi nrue mwatusuavaqa, mwisua niarani mwitaranta mwi irainarava qovara sura takuora.

24

Emeasi mwatusaniara vu vaintitana suara tura

13 Mwi enaraqaa Sisasira nraaqiara taaratanavano mwo mwatusa Emeasi mwatusani virenta vura. (Taputantai voqamaa Veqaurani voqamaa mwira votaama Ierusaremi vauvaro Emeasi mwatusa vaura.)¹⁴ Mwitana aarani vitanta Sisasira rusu kuara timwaqi vinta. 15 Mwitana timwaqi vuvaro Sisasiva nrai nrinero mwitana vaqamase uro vuvanta¹⁶ mwitana Sisasira takuenta sia mwira qintutama takuaraitinta, mwo vaintivanove tuvaro¹⁷ Sisasiva mwitanara tiro, Netana aarani nritantama nara kuave nrai timwa mwi nrai timwa mwi vi mwariavo? tiro.

Mwitaa tuvanta mwitana uro mwiraqaa ntivinta mwitana mwuntusavano sia suqe suvanta mwaura.¹⁸ Mwovano Kiropaa Sisasira mwata rie tiro, Mwaa enara vaaqara vaintinravuvano mwiri Ierusaremini mwariavara re nkuainkuvanove nanau qovarama vi kuara siave riaaro? tiro.¹⁹ Mwitaa tuvaro Sisasiva, Nara kuave? tuvanta mwitana tinta, Sisasira Nasaretinyaana kuave. Mwi vaintiva paropeti vaintivano mwitaro Kotira vuqaavaqa nraase qora ntuaavaqa nrora aira mwaretanta suqe kua aasutirave.²⁰ Mwiva mwitaa si mwarisanta Kotira aira mwara mwate mwaria vaintisua mwisua nrora vaintivaravanovaqa, triqaa naqisi mwariasuavaqa, mwisua kamaanira mwira mwiavaroo mwiva mwira rusaaate tisanta mwira niriqontai satariqaa rutaarave.²¹ Te ntaaru mwi vaintirara Kotira mwira titaisaro mwiva mwo mwatanaasua aatarase tiri Isaraari mwatanaasuaqaa naqisiarivave tunarave. Kua mwovaqama vaiso. Mwira rusaavaro mate taaramo ena nritaraiso.²² Mate tetana nraasenravuvano tia kuara rienta isarama vuro. Mwinravusua ota toqaqi mwira qunama taaraqi uro nenta sia mwira mwawana takuaavo.²³ Mwi nravusua uro nanenta mwiri tiri timwa timwi mwitaa tinta, Naavunyaasua tirinravuara mwiva qaqlima mwaiso, tiavo, tiarave.²⁴ Nraasenravuvano mwitaa tiavanta tirinravuqintai mwo vaintinravuvano mwira qunama taaraqi uro vi uro takuaavaroo nraasenravuvano tia kuava mwivauma vaisanta mwinravusuaavaqa mwira mwawana sia takuaarave, tinta.

²⁵ Mwitana mwitaa tuvaro Sisasiva mwitana timwa nyi tiro, Siave initana vu aato vaiso? Ntaaru paropeti vaintivaravano timwato kuara netana mwi kuara quitaave tiataara vaisanta netana qasomase mwi

kuara rie mwariavo.²⁶ Nétana siave riaavaro Kotiva titaari vaintiva mesaia vaintivano itavi irainarara mwaraqi viro mwiraqaaantai nroraqamavi kempusa vaintivano mwarianarove, tiro.²⁷ Mwitaa timwase Sisasiva Mesaia vaintiara Kotira vukuqi qara qumwaara rato kuara mwitana timwa nyirero tosarero Mosesira vukuqintai timwa nyiqiro viro paropeti-vara vukuqintai timwa nyiqiro vura.

²⁸ Mwitaa ti mwaavaro mwitana virenta su mwatusava mwataqaa vauvaro Sisasiva aarana qaqi virero votaama uti mwauvanta mwitana qao tinta,²⁹ Mate ena sianarove. Pisera tiritanavaqa vaitaane, tuvaro Sisasiva mwitanavaqa mwairero nraavuqi vura.

³⁰ Sisasiva nraavu mwiraqi mwitaro sara taintaqaqaa mwitana vaqamase mwataqaa mway Kotirara suqeve timwase impereti sara uveqase ntusamase nyuvanta mwitana vu aato qintutama vuvanta qintutama rienta³¹ mwitana mwira qintutamase takuo varo Sisasiva mwitana ntuaqantai qumpau vura.³² Sisasiva qumpau vuvanta mwitana nrai timwa mwi nrai timwa mwi tinta, Mpo, mwiva aarana nritaro Kotira vukuqintai kua tiritana timwa timwi mwaisaro quitaama tiritana mwuntusaqintai suqe siso, tinta.

³³ Mwitaa timwase mwitana vaayaama ntivinta mwiri nane Ierusaremi uro Sisasira nraaqiara 11 nravu mpuaamase takuo vanta mwinravusua mwo vaintinravuvaqa suntu nukaama mwainta tinta,³⁴ Nroravano quitaama qava qaqi ntiviso. Saimoniva mwivama mwira takauivo tuvanta³⁵ mwitanavaqa aarani nruenta takuo rara mwisua timwa nyi tinta, Mwiva impereti sara uveqa saisanta mwiraqaa ntuaqantai tetana nrora vanti qintutama takuaunarave, tinta.

Sisasiva nrai nraaqiara ntuaqaa qovarama vura

³⁶ Mwitana kua mwisua timwa nyi mwaavaro vaavaama nroravano mwivama qovarama viro mwisua aqani ntvi tiro, Ini mwuntusavano qisaqamaa vasiarive, tiro.

³⁷ Mwitaa tuvanta mwisua nroraqamase aatu si tinta, Vaanavano qovarama viso, tuvaro Sisasiva mwisua tiro,³⁸ Né narare aatu si mwariavo? Né nararave niara taara aato nauri rie mwariavo?³⁹ Né ni iqu saqu takuaate. Ne mwivama suko. Sia vaanavano ni votaamase mwatativaqa mwusaarivaqa vaiso, tiro.

⁴⁰ Mwitaa timwase mwiva nrai iquvaqa saquvaqa tia nyuvanta⁴¹ mwisua mwogamase riaria sintu saqu nunkinkiraarate tinta, Sia mwirara quitaave tiare, tuvaro Sisasiva mwisua mwata rie tiro, Sara

nraariva vairove? tuvanta⁴² tavusa suntatora pataqa mwira mwuvuaro⁴³ Sisasiva mwisua ntuaqaa mwitaro mwarase nrora.

⁴⁴ Sisasiva tavusa nramwase mwisua timwa nyi tiro, Ntaaru ne inivaqa mwitana ne mwaa kuara ini timwa nyurave. Niara ntaaru Mosesiva vukuqi qumwaara rato kuarave, paropeti vaintivaravano qumwaara rato kuarave, Saami vukuqi qumwaara rato kuarave, ne ini timwa nyitana mwi kuava mwivauma vasianarove, turave, tiro.

⁴⁵ Mwitaa timwase mwisua Kotira vukuqi qumwaara rato kuara qintutamase riaate tiro Sisasiva mwi kuara mwi kuara mwisua timwa nyi tiro,⁴⁶ Mwaa kuara qumwaara ratorave, Mesaia vaintiara mwiva ita vuari irainara mwaqi uro qutu viro taaramo ena mwari qava qaqi ntivuanarove.⁴⁷ Mwiraqaantai né ni airara ni utuara rietantama nraase qora timwa nyiqi vitanta sia suqe si aarara pisaivaro Kotiva né sia suqe airara mware kuara nrunka nyataanarove, tiate. Mwi kuara timwa nyiqi vitanta Ierusaremini naane mwi kuara timwa nyiqi vinta mwiraqaantai mwo mwatanaasua mwo mwatanaasua timwa nyiqi vuate.⁴⁸ Nénravu nénta ntuaqantai mwi airara mwi irainarara takuaarave.⁴⁹ Ni nkova nrai saqu iqiqaa mwatero nena ini nyirerave tiarinara nevano mwira titaairo tukuarive, Né mwaa mwatusaraqi mwaiqi vivaro naavuntai mwiva tukiro iniqaa mwitaroma ini kempusa nyianarove, tiro.

Sisasiva naavuni vita mwarora

⁵⁰ Sisasiva mwitaa timwase mwiva mwisua ntita mware Ierusaremi mwatusa mwini se Vetaani mwatusani uro ne nrai saqutana tuaarerese mwisua sugema nyate mwitaro mwiva mwisua mwini sovaro mwira naavuni vita mwarora.

⁵² Sisasiva naavuni vuvanta mwira nraaqiarvara mwini so vaintivarasua suqe suvanta mwiri nane Ierusaremini vinta uro mwini mwitanta Kotira nraavuqi uro Kotira utu tuaareraqinta vi mwaura.

IONI

3

Nikotimasiva Sisasira uro takuora

¹ Parasi vainti mwovano mwauvaro mwira utu Nikotimasira. Nikotimasiva Juttaa mwatanaasua ntarunyaa vainti maura. ² Mwiva mwariro enaqi uro Sisasira takuero tiro, Mwaara ti mwariara vaintio, te takuauraro Kotiva ri titaisarara tira, re mwaara kua ti mwariarava nrira siaro. Sia Kotiva ri saisaqa sitirina, re siama nrora aira mwaraaratirinao, tiro.

³ Mwiva mwitaa tuvaro Sisasiva mwira timwa mwiro tiro, Ne qutaa kua tiarira riaane. Vainti nrora tuaiva mwairaro mwira sia qavavaqa mwataitairere, mwi vaintiva siama Kotiva naqisi mwatusara so takuaanarove, tiro. ⁴ Tuvaro Nikotimasiva qao tiro, Ntataa sirarove nrora tuai vaintira qava mwatataanarove? Mwiva qava nrai nrora visosaqi vijetairarove mwira nrova mwira qava mwatataanarove? tiro.

⁵ Tuvaro Sisasiva tiro, Ne qutaa tuko. Nramaiqi mwataataariva mwairaro sia Kotira Mwaranavano mwira qava mwatatairaro mwiva sia Kotiva naqisi mwatusarani vuanarove. ⁶ Mwavana mwataava nrai mwavana mwataara aasu mwataitairave. Mwaranavano mwaranana aasu mwataitairave, tiro. Ini qava mwataatari kuarara ne ri timwa mwukura re mwi kuarara isaramave vuaro? Sia mwitaa siane. Ne mwo kuqaas nuase ri timwa mwirenave. Saaravano titaro mwini mwini vuataa sisaro viso. ⁸ Saaravano tuqi visara re sia mwira takuairaitira, re mwira quka aasu rianarave. Re saaravano nriari osararave mwiva vuari osararave sia qintutama riaaro. So Kotira Mwaranavano mwataatai osarava mwira votaama vaiso, tiro.

⁹ Sisasiva mwitaa tuvaro Nikotimasiva tiro, Ntataama serove mwitaa sianarove? tuvaro ¹⁰ Sisasiva tiro, Re Isaraari mwatanaasua mwaara kua timwa nyi mwariarave mwitarove mwi kuara sia qintutama riaaro? ¹¹ Ne qutaa tuko. Te qintutama riauna kuara ini timwa nyi mwauko. Mwitaa suravanta né sia tiri kua qintutama riaavo. ¹² Ne mwatanyaa irainara ini timwa nyukanta né mwirara sia qutaa kuave tiavo. Né mwitaa tiavana ne naavunyaa irainara ini timwa nyiarinta, né ntataamase mwi kuara so qintutama rievarave? ¹³ Sia vainti mwovano naavuni Kotiva mwainani virave. Ne aasuma mwintai tukuko. Ni mwataqaa mwatataiva ne nraaru naavuni mwariavarave.

¹⁴ Nraaru ini saivaqava Mosesiva qumina mwatani mwitaro kuanira mwarana origaantai utuse mwira satari ratoraqa tuaare rasorave. (Nraase qoravano mwira takue sia qutu vuate tiro, Mosesiva mwitaa surave.) So ne mwataqaa mwataatai nraaqiarava ne mwariarinta nraaru Mosesiva kuanira mwarana utuse mwatenemase nivaqa satariqaa tuaare rasaivanta ¹⁵ nraase qoravano niara qutaa mwivave tisua sia qutu vinta taiqa viraitinta, mwisua esaa ena esaa ena qaqi mwariqi vivarave, tiro. Sisasiva mwitaa turama.

¹⁶ Kotiva mwataqi mwariasuara mwoqamase mwuntusa nisarora tiro, mwiva nrail mwaagu nkuaqiqa mwataataira tiri tivira. Mwifaa sirara tinta, nraase qoravano mwira mwaquara qutaave tisua sia qutu vinta taiqa viraitinta, mwisua esaa ena esaa ena qaqi mwariqi vivara.

¹⁷ Kotiva nrail mwaagu titovaro mwiva sia nraase qoraqaa kua mwatarero tukiso. Nraase qoravano suqema mwariate tiro, mwiva tukura.

¹⁸ Mwovano mwira mwaquara qutaa mwivave ti mwatarirava mwivama sia kua mwaraanaro. Mwovano mwirara sia mwivave ti mwatarirava mwivama nrora kua mwaraanaro. Mate mwaa enara Kotiva ko timwase mwi vaintira qoririma saira. Mwi vaintiva Kotira mwaagu nkuaqiqa mwataitairara sia qutaa mwivave tira saara Kotiva mwira qoririma saira.

¹⁹ Mwaa irainarara saara kua vasianaro. Tomwavano mwataqi tukuvanta nraase qoravano sia mwira riarria siraitinta, mwisua rupisi sirara riarria sintia mwariara.

²⁰ Sia suqe sia vaintisua mwovano mwovano nramwutaaqa sitanta sia mwi tomwara riarria siraitinta, mwisua sia tomwavano mwainani vuara. Tomwavano tiri sia suge aira ataa timwataaso tinta sia tomwavano mwainani vuara. ²¹ Mwisua mwitaa siavaroo qutaa aira mware vari vaintiva sia aatu siraitiro, tomwavano mwainani vira. Mwiva visaro tomwavano mwira aira ataama mwataisanta nraase qoravano takuaavaro mwi vaintiva Kotira kua rietaro Kotira aira mware mwaira.

9

Sisasiva vu qimpo vaintira vu mpaira sora

¹ Sisasiva vitaro takuovaro vainti mwovano nrail nrora visosaqintai vu qimpa vuva mwauvanta ² Sisasira vaintivaravano Sisasira mwata rentia tinta, Mwaara kua tiara vaintio, ntavave qaqliraqa si irainarara mwaisarove mwaa vaintira vu nrail nrora visosaqintai

vu qimpa viva mwaiso? Nraive siso mwira nrosua qosuave qaqaqiraqa si irainarara utu saavarove mwira vuvano qimpa viso, tinta tuvo.

³ Sisasira vaintivaravano mwitaa tuvaro Sisasiva qao tiro, Sia nrai qaqaqiraqa si irainarara mwairaira saara mwira vu qimpa viso. Siama mwira nrosua qosua qaqaqiraqa si irainarara utu saavarove mwira vu qimpa viso. Né mwi vaintiraqa Kotira kempusaqama aira takuaate tiro, mwira vuvano qimpa viso. Kotiva ni ntí mataisana ne tukukavave. ⁴ Te Kotira aira ataa siarinto mwaraare. Ena siraro sia mwo vaintivano aira so mwaraanarove. ⁵ Ne mwataqe mwaitana tomwavanoo itainema sena ne itamaqina vuariro mwataqi mwaisua so takuevarave, tiro tuvo.

⁶ Sisasiva mwitaa timwa sero mwataqaa taara visise taaraqontai soraqamase mwiti vanti vuqaa naataturuse mwirara tiro, ⁷ Re Siromi nramaiqi untu rena vuri siqama saane, tiro. Sisasiva mwitaa tuvaro mwi vaintiva Sisasiva tunema untu nrai vuri siqama sovaro mwira vuvano mpaira vuvavo mwi vaintiva mwintai untu nane so takuamaqi nrurama.

⁸ Mwiva so takuamaqi nri mwauvanta mwira nraavu mwataqa mwaisua takuavarov aara tosanii mwitaro pata irainara nivaqa miate ti mwau vaintiva qaqi nrurvanta mwisua mwira takuenta tinta, Nta vaintivave nriso? Aara tosanii mwitaro pata irainara nivaqa miate ti mwau vaintivave nriso? tinta. ⁹ Mwisua mwitaa tuvanta mwonravuvano tinta, So mwi vaintiva mwivave, tuvanta mwonravuvano qao tinta, Mwovanove. Mwira vuri votaa siva nriso, tuvaro mwi vaintiva nrine tiro, Ne mwaa mwivama suko, tiro tuvo.

¹⁰ Mwi vaintiva mwitaa tuvanta mwisua mwira mwata rienta tinta, Ntataama saisarove ri vuvano mpaira viso? tinta. ¹¹ Mwisua mwitaa tuvaro mwira timwa nyiro tiro, Vanti mwovano mwira mwutu Sisasiva mwira taara visise soraqamase ni mpuqaa naatauruse niara tiro, Siromi nramaiqi untu rena vuri siqama saane, tisana ne untu siqama saukaro ni mpuvano mpaira visana ne so takuamaqina nruko, tiro. ¹² Mwiva mwitaa tuvanta mwisua mwira qava rienta tinta, Mwi vaintiva ntaini visare nriaro? tinta. Mwisua mwitaa tuvaro mwira tiro, Nrai ntainive vivaaso? Ne siavaqa takuauko, tiro.

¹³ Mwiva mwitaa tuvanta mwisua nraaru vu qimpo vaintira vita mwarenta uro Parasi vaintivaravano mwaunani vurama. ¹⁴ Sisasiva mwara kua tu enaraqaa soraqamase mwi vaintira vu mpaira sorama. ¹⁵ Mwisua Parasi

vaintivaravano sunani vitaqi uro Sovanta Parasi vaintivaravano mwi vaintira mwata rienta tinta, Ntataama saisarove ri vuvano mpaira viso? tuvaro mwi vaintiva tiro, Mwiva soraqamase ni mpuqaa naataaru mataisana ne untu nena mpuri siqama saukaro ni mpuvano mpaira visana ne so takuauko, tiro.

¹⁶ Mwiva mwitaa tuvanta Parasi vanti mwonravuvano tinta, Mwi airara mwaraiva mwaara enaqaa mwitaa siso. Mwiva mwaara enaqaa sia mwitaa siataara vasisaro mwiva kua qaauuse mwitaa siso. Mwitaa sisorara tiro, mwi vaintiva sia Kotiva sinani tukivave, tinta. Tuvanta Parasi vanti mwonravuvano qao tinta, Ntataama serove qaqaq vaintivano mwi airara nrora mwari airara so mwaraanarove siso? tinta. Mwitaa timwa senta mwonravuvano mwo kua tuvanta mwonravuvano mwo kua tinta.

¹⁷ Parasi vaintivaravano qava mwira mwata rienta tinta, Mwiva ni mpu mpaira sairave tianarave. Mwi vaintirara re nara kuave tiaro? Mwiva ntataama mwai vaintivave ri vu mpaira saiso? Re tiri timwa tivivave riaare, tuvaroma vanti mwiva tiro, Mwiva paropeti vaintivano mwaiso. Kotiva mwira saisaqa sisaro mwiva aira mware mwaiso, tiro.

¹⁸ Mwitaa tuvanta Iutaa vaintivaravano sia mwira kuara quataa kuave tiareru mwi vaintirara tinta, Re muna titara ni mpu mpaira viso tiaro. Nraaru sia ri vuvano mpaira vurave, tinta. Mwitaa timwa senta mwisua mwira nrosua qosua sapara suvanta ¹⁹ mwitanavano nrurvanta mwisua mwitana mwata rienta tinta, Mwaa vaintiva initana nyaaque siso? Quataave mwira nrora visosaqintai vu qimporave? Ntataama saisarove mwira vuvano mpaira visarove takuaiso? tinta.

²⁰ Mwisua mwitaa tuvanta mwira nrosua qosua tinta, Mwaa vaintiva tiritana mwaaque.

Mwira vuvano nraaru visosaqintai qimporave. ²¹ Nrai ntataa sisarove mwira vuvano mpaira viso? Nrai ntavave mwira vu mpaira saiso? Mwiva nrora tuavave. Né nénta mwira mwata riate. Mwiva so ini timwa nyianarove, tinta.

²² Mwira nrosua qosua Iutaa vanti nrora vaintivara aatu sitanta mwitaa turama. Nraaru Iutaa vaintivaravano mwitaa kua mwataste tinta, Vanti mwovano Sisasirara mwiva Mesaia vaintivano tiri saisaqama sirero tukivave tiaso. Mwovano mwitaa tirarore, te mwira irora sintu mwaara nravuqintai mwira raaqu saararo mwiva mweva ne esaara vuarive, turama. ²³ Iutaa vanti nrora vaintivaravano mwitaa turara tinta, mwira nrosua qosua Iutaa vanti aatu

sitanta tinta, Mwiva nrora tuaivave. Né nénta mwira mwata riaate, turama.

²⁴ Mwitanavano mwitaa tuvanta mwisua qavavaqa nraaru vu qimpo vaintirara sapara sintu mwirara tinta, Re Kotira raria siataarave. Sisasiva sia suqe vaintive, tinta. Mwisua mwitaa tuvaro mwi vaintiva tiro, ²⁵ Sisasiva sia suqe vaintive siso suqe vaintive siso sia ne qintuta suko. Ni mpu qimpora mwiva mpaira sorara ne mwirara asuu qintuta suko, tiro.

²⁶ Mwiva mwitaa tuvanta mwisua mwira qava mwata rienta tinta, Mwiva ri narave utiso? Mwiva rinta ntataama setarove ri vu mpairo saiso? tuvaro vainti mwiva tiro, ²⁷ Ne vaa mwirara ini timwa nyukanta né siave riaavo? Né ntataa si santave qava mwi kuara riarentave tiavo? Névaqa mwo? Névaqa mwira vaintivaravaqa mwariarentave qava mwi kuara ni mata riaavo? tiro.

²⁸ Mwiva mwitaa tuyanta mwisua mwira nroraqamase irora sintu timwa mwinta tinta, Qao, revano mwira vaintivano mwaitara mwira kua riaaravave. Te tenta saivaqara Mosesira kua riaqi vuasuave. ²⁹ Nraaru Kotiva Mosesira timwa to kuara te mwi kuara riaqi vuasuave. Te Sisasirara qumina vaintive turo. Te mwiva mwintai nri osarara sia qintuta suro, tinta.

³⁰ Mwisua mwitaa tuvaro mwiva nrai saqu nunkinkiraara tero mpo se tiro, Ni mpu mpaira sai vaintiva mwiva mwintai nri osarara né siavaqa qintuta siavo? ³¹ Te riauraro Kotiva qaqlira vainti kua sia riaivave. Kotira kua riaasua Kotiva mwisua kua riaivave. Kotira utu tuaareraa vaintisua kua Kotiva riaivave. ³² Nraaru mwaa mwatara hoqarato enaraqaatairo sia vainti mwovano nrai nrora visosaqintai vu qipa

vura mpaira sorave. ³³ Sisasiva sia Kotiva sinani tukuase titirina, mwiva sia so ni mpu mpairaitirinao, tiro.

³⁴ Mwi vaintiya mwitaa tuvanta mwisua mwira irora sintu tinta, Ri nrova qaqlira si airara mware ri mwatataivave. Re mwo? Re tirivaqave i mwaara kua timwa tivinaraveli siaro? tinta. Mwitaa timwa senta mwisua vanti mwira raaqu senta mwaatani pisoroma.

³⁵ Mwisua mwira raaqu senta mwaatani pisovaro Sisasiva mwisua mwira raaqu senta pisorara riero mwi vaintirara mpuaama takuero mwirara tiro, Mwataaqi mwatatai nraaqiara re qutaa mwivave tinarave siaro? tiro. ³⁶ Sisasiva mwitaa tuvaro mwi vaintiva mwira mwata riero tiro, Nrora vaintio, mwiva ntavave? Re ni timwa miqena ne mwirara qutaa mwivave tiase, tiro. ³⁷ Mwitaa tuvaro Sisasiva mwira timwa mwiro tiro, Re takue mwariara vaintiva ne mwivama riara ti mwauko, tiro.

³⁸ Sisasiva mwitaa tuvaro mwiva tiro, Nrora vaintio, qutaa re mwivave, tiro. Mwitaa timwa sero mwiva Sisasira vuqaa tori naquntaase mwira riariamase mwinto mwauvaro ³⁹ Sisasiva tiro, Ne nraase qora ntusama sirena mwataaqi tukukavave. Vu qimpaisua takuaate tina, ne mwataaqi tukukavave. Qaqi takuesua vu qimpa vuat tina, ne mwataaqi tukukavave, tiro.

⁴⁰ Sisasiva mwitaa tuvanta Parasi vaintivaravano mwi kuara rienta Sisasira mwata rienta tinta, Tiri tivuve qimpa viso? tinta.

⁴¹ Mwitaa tuvaro Sisasiva mwisua timwa nyiro tiro, Imi vu qimpa visantavauma kuavano sia iniqaa vasianarove. Né tinta, Te so takuauro, tiarara tiro, kuavano iniqaa vasianarove, tiro. Sisasiva mwitaa turama.